

JABATAN PERKHIDMATAN VETERINAR MALAYSIA

LAPORAN LIPUTAN MEDIA

21 FEBRUARI 2021

1. Kucing peliharaan mati dengan empat kaki dipotong
2. Tergamak bunuh, potong empat kaki kucing bunting
3. Ajal Cantik hilang kaki- Pemilik sedih kucing bunting miliknya mati dalam keadaan tragis
4. Dua kucing tak sempat masuk Langkawi

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Kucing peliharaan mati dengan empat kaki dipotong

Kuala Lumpur: Luluh hati pemilik seekor kucing apabila menemui haiwan peliharaannya yang dinamakan 'Cantik', mati dalam keadaan tragis dengan keempat-empat kaki 'hilang' dipercayai dipotong.

Mur Salina Junaidi, 20, tidak menyangka panggilan telefon daripada bapa saudaranya, Nur Hakim Bakhtiar, 29, tengah hari kelmarin, membawa berita duka mengenai Cantik yang berusia setahun enam bulan itu.

"Pak cik beritahu apa yang berlaku ke atas Cantik dan tanpa berlungah saya terus bergegas pulang ke rumah. Menggigil seluruh badan melihat bangkai Cantik, saya hanya mampu menangis kerana terlalu sedih. Cantik mati dalam keadaan sedang bunting dan menunggu hari untuk melahirkan anak.

"Saya tidak dapat gambarkan bagaimana keadaan dan kesakitan dirasakan Cantik ketika diperlaku-



'Cantik' ditemui mati dengan empat kakinya dipotong.

kan sebegitu. Apa yang saya nampak, kaki Cantik dicabut dan dipatahkan sendiri oleh pelaku, bukan dikerat dengan peralatan tajam.

"Lebih menyedihkan apabila melihat terdapat najis terkeluar daripada

duburnya, mungkin kesan menahan sakit yang teramat dan keadaan itu menunjukkannya seperti didera sewaktu masih bernyawa lagi," katanya yang bekerja sebagai setiausaha dan menetap di Taman Harmoni, Gombak.

Tergamak bunuh, potong empat kaki kucing bunting

PETALING JAYA – Bangkai seekor kucing betina bunting ditemui dalam keadaan menyayat hati selepas keempat-empat kakinya dipercayai dipotong dalam satu kejadian di Taman Harmonis, Gombak dekat sini, kelmarin.

Pemilik kucing berkenaan, Mur Salina Junaidi, 20, yang juga seorang Setiausaha Syarikat swasta berkata, kejadian yang menimpa kucing yang diberi nama 'Cantik' itu disedari ahli keluarganya.

"Saya bela kucing itu sejak dua tahun lalu, tak sangka ada orang tergamak melakukan

perkara kejam itu.

"Satu laporan polis telah dibuat di Balai Polis Gombak kelmarin bagi memastikan individu bertanggungjawab dibawa ke muka pengadilan," katanya ketika dihubungi di sini semalam.

Terdahulu, tular gambar dan video berdurasi 6 saat yang memaparkan seekor kucing betina tanpa kaki yang dipercayai telah dipatahkan.

Sementara itu, Ketua Polis Daerah Gombak, Asisten Komisioner Arifai Tarawe berkata, kes akan dirujuk ke Jabatan Perkhidmatan Veterinar (JPV) Shah Alam," ujarnya.



GAMBAR tular seekor kucing betina yang bunting ditemui mati dengan empat kakinya dipotong di Gombak kelmarin.

Oleh Redzuan Muharam
redzuan.muharam@hmetro.com.my

Kuala Lumpur

Tak sangka ada individu yang tergamak bunuh haiwan tidak berdosa dengan kejam," luah Mur Salina Junaidi, 20, pemilik kucing bunting yang ditemukan mati dalam keadaan tanpa empat kaki kelmarin.

Menurut Mur Salina yang menetap di Taman Harmoni, Gombak, Selangor, dia mengetahui nasib yang menimpa kucing diberi nama Cantik itu selepas dijumpai dalam kotak ditutup dengan kertas surat khabar dekat belakang kereta milik bapa saudaranya, Lukman Nur Hakim Bakhtiar, 29.

Katanya, dia dihubungi bapa saudaranya kira-kira jam 1 tengah hari memberitahu Cantik ditemui mati dalam keadaan menyedihkan.

"Saya bergegas pulang dari tempat kerja dan sebaik tiba badan saya menggigil apabila melihat bangkai Cantik dan hanya mampu menangis kerana terlalu sedih apatah lagi ia mati dalam keadaan bunting dan menunggu masa untuk melahirkan anak," katanya ketika dihubungi Harian Metro semalam.

Mur Salina berkata, dia tidak dapat bayangkan bagaimana keadaan dan kesakitan dirasai Cantik ketika diperlakukan sebegini.

"Berdasarkanecederaan pada kaki Cantik ia mungkin dipatahkan oleh pelaku, bukan dikerat dengan peralatan tajam.

"Lebih menyedihkan terdapat najis keluar mungkin



CANTIK ketika masih sihat.

“
Sebaik tiba badan saya menggigil apabila melihat bangkai Cantik
Mur Salina

akibat Cantik menahan sakit dan keadaan itu menunjukkan seperti ia didera ketika masih bernyawa,” katanya.

Mur Salina yang bekerja sebagai setiausaha berkata, kucing berusia setahun enam bulan itu dipeliharanya sejak

2019. “Selain Cantik, saya sekeluarga ada memelihara lima kucing lain dan memang ada melepaskannya berkeliraran di dalam dan sekitar rumah sahaja.

“Itu sebabnya saya terkejut apabila Cantik mati dalam keadaan sebegini dan apa pun alasannya bukan tiket untuk pelaku bertindak kejam kerana haiwan tidak berakal dan sepatutnya dilindungi,” katanya.

Susulan itu, Mur Salina mengikut bapa saudaranya membuat laporan di balai polis Gombak kira-kira jam 1.30 tengah hari, kelmarin.

Mur Salina turut berkongsi kisah yang menimpa Cantik menerusi Twitter dan mendapat perhatian warganet yang rata-ratanya sedih dengan nasib menimpa kucing berkenaan.


“Sebelum ini saya hanya baca tentang kekejaman ke atas haiwan di media sosial, tetapi kali ini ia berlaku ke atas kucing peliharaan saya,” katanya.

Sementara itu, Presiden Persatuan Haiwan Malaysia (*Animal Malaysia*) Arje Dwi Andika ketika dihubungi berkata, pihaknya meminta saksi perbuatan kejam itu turut tampil membuat laporan polis.

“Diharap kes itu mendapat perhatian daripada pihak berkuasa dan saksi boleh menyalurkan maklumat terus kepada polis, menghubungi pemilik kucing itu atau hubungi melalui WhatsApp Hotline Animal Malaysia di talian 011-20901097 dengan segera,”

AJAL CANTIK HILANG KAKI

Pemilik sedih kucing bunting
miliknya mati dalam
keadaan tragis



SATU daripada dua kucing dari Indonesia yang dirampas Maqis kerana tidak mempunyai permit import di Terminal Penumpang Feri Kuah, Langkawi.

Dua kucing tak sempat masuk Langkawi

Langkawi Jabatan Perkhidmatan Kuarantin dan Pemeriksaan Malaysia (Maqis) 'menahan' dua kucing yang diimport dari Indonesia di Terminal Penumpang Feri Kuah di sini, jam 1 tengah hari kelmarin.

Kucing dianggarkan bernilai RM500 itu dirampas Maqis sejurus tiba bersama pemilik yang datang dengan kapal layar kerana tidak mempunyai permit import dikeluarkan jabatan berkenaan.

Pengarah Maqis Kedah P Lily Rosalind berkata, pengimport gagal mengemukakan

permit import selain tiada sijil kesihatan serta nombor mikrochip pada kedua-dua kucing itu.

"Perbuatan mengimport haiwan hidup tanpa permit import adalah suatu kesalahan di bawah Seksyen 11(i) Akta Perkhidmatan Kuarantin dan Pemeriksaan Malaysia (Akta 728).

"Sabit kesalahan boleh didenda tidak lebih RM100,000 atau dipenjarakan tidak lebih enam tahun atau kedua-duanya sekali," katanya.

Lily berkata, penguatkuasaan undang-un-

dang akan terus diperkasa di semua pintu masuk negara bagi setiap komoditi haiwan, tumbuhan serta karkas sama ada yang diimport atau dieksport.

"Pemeriksaan berterusan dilakukan bagi mengawal dan menjaga biosekuriti dan kawalan penyakit serta keselamatan makanan di dalam negara," katanya.

Dua kucing yang diimport dari Indonesia dianggarkan bernilai RM500



